

gratiam, veniam, remissiones. Item condere leges, ordinationes, statuta, edictaque, unde & Magistri supplicationum vocantur. Huius item consilii est cognoscere de limitibus, ac confinibus Provinciarum, deque partibus principalibus domini, superioritatis & authoritatis Principis, Dominorum & aliorum aulicorum imitriculorum. Denique consilium hoc robur est ac conservator iustitiæ, cæterarumque rerum omnium inspector, quanquam subinde magis ardua consilio Statuum communicet, ac viceversa illud quæ politiam ac iustitiam aliquo modo concernunt cum hoc conferat ac communicet. Habet & hoc Consilium suum Præsidem.

*De Consilio Finantiarum.*

In eadem curia residet & aliud Consilium, quod vulgo Finantiarum vocant. Huic communiter præst semper fuere tria ex prudentioribus dominis patriæ capita, unus Thesaurarius, unus Receptor generalis & Commissarii docti ac prudentes, cum duobus Gressariis aliisque officiariis. Hoc Consilium curam habet bonorum patrimonialium & reddituum Principis, subsidiorum ordinariarum & extraordinariorum, Cameræ rationalis, Receptorum aliorumque Officiariorum Regias pecunias tractantium. In eodem fiunt taxationes, rationes assignantur solvendi quidquid concernit pacem vel bellum, fortificationes, munitiones, provisiones, adeoque omnes expensas, tam ordinarias quam extraordinarias pro conservatione Status patriæ. Hoc item bona Principis elocat, facit moderationes ac restrictiones contentas ejus ordinationibus. Breviter totam agit curam Regii Thesauri universi.

*De Consilio Camera Rationalis.*

Est alius Bruxelle Magistratus Regius, qui est tanquam membrum Consilii Finantiarum, appellaturque Camera rationalis, cui præest unus Præses & septem Magistri rationum, quatuor scilicet ordinarii & tres extraordinarii, cum nonnullis aliis officiariis. Reddunt huic rationem administrationis pecuniarum regis omnes Thesaurarii & Receptores Brabantie & adherentis ditionis. Itæ agri Lutzenburgici, recipiuntque omnes hic lusinguantias. Præter hanc vero Cameram sunt adhuc in Belgio tres aliæ Cameræ rationales, in Flandria scilicet, Hollandia & Geldria, quæ omnes summarie rationem reddere coguntur Finantiarum Consilio tanquam omnium inspectorum. Atque hæc sunt Consilia & Magistratus vel Officiarii, qui perpetuo generalem Belgii Præsestem comitantur vel apud eum resident.

*De Consiliis Provincialibus.*

Est & aliud in hoc Belgio Consilium in singulis fere Provinciis, quod parlamentum Regium vulgo nominant, quale est Mechliniæ, in Brabantia vero Cancellariam vocant. Præst huic communiter secundum diversa loca vel 12 vel 16 vel 18 Consilarii Doctores & Licentiati, unusque Præses seu Cancellarius tanquam Iudex. Adstunt pariter Advocatus & Procurator Fisci, Gressarii, Secretarii, aliique Officiarii, omnes a Locum-tenente Regio electi, & a Rege stipendiarii. Hic Magistratus summa pollet auctoritate cunctarum civilium & criminalium causarum, & omnium in hisce Provincialibus, Dominiisque Regiis controversiarum, cognitionem habens. Habet & activam & passivam cognitionem fundamentorum, confinum ac differentiarum, quæ